

Cuminda malo a haci basta hende malo...

## Atencion extra pa crucero Veendam cu tabata na Curaçao y Aruba



ORANJESTAD(AAN): Dialuna tabata tin informacion cu a drenta for di Curacao caminda cu un crucero Veendam di Holland America Line cu a drenta haf di Curacao lo tabata tin como 300 hende cu a bira malo y hasta hende cu a fayece.

Tur esaki a base di un virus cu tabata tin abordo di e barco aki.

Den pasado Aruba tambe a haye confronta cu situacionnan similar riba otor cruseronan caminda tabata tin manera un caos abordo di e cruseronan cu a drenta nos isla.

Hendenan tabata malo cu diarea, dolor di cabez y mucho mas.

Buscando informacion cu Curacao riba e caso di Veendam a sali na cla cu e

situacion no tabata asina alarmante manera tabata e prome informenan cu a drenta.

Finalmente e ultimo informacion cu DIARIO a haya for di Curacao tabata cu un total di 29 persona a keda afecta pa cuminda malo cu nan a come. Ademas, un persona a muri tabata pa un atake di curazon cu el a haya.

Na prome instante a stoba tur hende di baha for di e crusero na Curacao, pero despues cu dokter y salubridad publico di Curacao tabata tin e situacion mas of menos bao control a permiti e hendenan baha, pero esnan afecta mester a keda abordo.

Na Aruba tambe e team di

Salubridad publico tabata cla pa asina cu e barco drenta nos haf na subi mira e situacion.

Cuminda cu bacteria malo ta algo cu sa haya hopi biaha riba cruseronan y den e caso aki el a toca turno na un di e cruseronan cu sa yega tambe na nos porta.

OTRO CASO: Apenas Diasabra siman pasa, un otro barco crusero, esta "Mariner of the Seas" a pasa den algo similar durante un viahe den Caribe. Prome cu el a regresa back su puerto di Port Canaveral na Florida, como 230 di e 3.465 pasahero abordo a bira malo, debi na un virus estilo "Norwalk". E ta ponebo sinti malo manera griep, pero ta bo stoma ta bira malo.

Tur cos lo a socede, debi cu un pasahero a subi e barco y e tabata contagia cu e virus. Debi na esaki, el a plama y a afecta mas pasahero como tambe algun trahador di e barco. Nan tur a bay den quarantena pa evita cu e contagio lo sigui.

Caso serio di maltrato den Nobelstraat

## Pleito den cas a laga saldo di homber cu pia kibra y muher cu corta

ORANJESTAD(AAN): Polis a haya sa cu den Nobelstraat un caso serio a socede, unda maltrato grave a worde cometi.

Tabata den oranan di anochi cu na momento cu patruya a presenta, nan a topa tres persona di cual uno ta den baul y un otro ta maltrata fuera un tercer persona ta trata di kita nan di otro.

Den baul di e auto tabata sinta e homber Colombiano di inicialnan A.L.J.G. di 40 aña di edad, y e otro homber cu tabata maltrate segun e version policial ta di inicialnan R.E.P. di 33 aña.

Un declaracion corto, a revela cu e homber Colombiano a bisa polis cu un señora (tambe Colombiano) di inicialnan L.M.C.O. di 38 aña a yame pasobra cu e homber R.E.P. a maltrate.

Polis a constata cu e homber Colombiano su pia ta seriamente fractura. Su pia a worde kibra na e apartamento ora cu el a

worde pusha door di e homber R.E.P. y e ultimo a bula riba su pia te cu esaki a kibra.

Polis a constata cu e homber R.E.P. sea ta bao influencia di alcohol of substancia. Agentenan tambe a papia cu e señora, y el a bisa cu e tabatin relacion cu R.E.P.

Loke a socede ta cu e ultimo a presenta na e cas y cuminsa bringa cune, fuera menaze door di pone cuchio na su garganta, y hasta a corte den su lomba. Polis a mira cu e señora tin un corta di 12 cm. pero no hundo.

Tambe el a bisa cu R.E.P. hinca man na su parti delicado te cu el a sangre.

A base di tur e denuncianan aki, automaticamente Polis a detene R.E.P. relaciona cu e acusacion y delito serio aki. Tanto e señora Colombiano y homber Colombiano a acudi na Hospital pa tratamento y tambe medico lo tin cu traha nan relato pa asina esaki worde poni den e verbaal.

### BEST DEAL

Tel: 5827100

(Pariba di Aruba Bank, Paradera)

### BEST SHOPPING DEAL

Turibana Plaza

Tel: 5865455

Luz di Palo



Afl. 39,95

TELEFONNAN

DI DIARIO

582-6747

FAX

582-8551

## DIA DI BETICO NO TA DI CURASON!!

